



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab Anno Christi 1176. Usque Ad Annum 1203

**Fleury, Claude**

**August. Vind. [u.a.], 1763**

**VD18 90118022**

§. 25. Profectio Regum Franciæ § Angliæ.

---

[urn:nbn:de:hbz:466:1-66394](#)

nis, Ordinem consequuntur, ab Epi- Sæcul. XII.  
scopis suis ad administrationem Ordinis A.C. 1190.  
nulla ratione recipiantur. Archidiaconi  
per Archidiaconatum suum incedentes,  
jure procurationis a subditis non nisi mo-  
dicam pecuniam exigant. Societas seu  
fœdera Clericorum Laicorumve, quibus  
se se ad præstandum sibi mutuum auxi-  
lium in quibuslibet causis juramento ad-  
stringunt, prohibentur. Solemni ritu  
in omnibus Ecclesiis illi, præter alias  
reos, excommunicentur, qui falsum jura-  
mentum edendo Ecclesiam jure suo pri-  
vant, aut redditus Archiepiscopales fra-  
duleter usurpant. Dantur etiam ad-  
juncta, quibus existentibus, rei ad im-  
petrandam absolutionem Romam mit-  
tendi sunt (\*).

c. 12.

c. 25.

c. 26.

c. 31. 32.

### §. XXV.

*Profectio Regum Franciæ & Angliæ.*

Richardus Rex in Normannia aliquam-  
diu

(\*) Verba Concilii in Actis ex Edit. Har-  
duini, ad hunc annum leguntur in hunc mo-  
dum: *Hujus autem Constitutionis reos nullus*  
*Sacerdotum absolvere, vel eis paenitentiam dare*  
*præsumat, nisi fuerint in articulo mortis con-*  
*stituti. Sed hujusmodi perjuri & excommunicati*  
*ad proprios Episcopos remittantur absolvendi,*  
*& de tanto excessu graviter puniendi, & ad*  
*eorum majorem confusione ad Sedem Aposto-*  
*licam transmittantur.*

Sæcul. XII.  
A.C. 1190.

p. 666.  
Jo. Brompt.  
p. 1173.

Rigord.  
p. 29.

pag. 30.

Sup. Lib.  
LXIII.  
§. 41.

diu commoratus, Turonem venit,  
ubi Sacrorum peregrinantium peram &  
scipionem de manu Guilielmi Archiepi-  
scopi accepit. Sed cum Rex scipione niti  
cœpit, confractus est, aliumque recepit  
Veselii, ubi corpus beatæ Mariæ Magda-  
lenæ servari credebatur. In eo loco, ut  
condixerant, Reges Franciæ & Angliæ  
præsto fuerunt. Philippus Rex disces-  
furus curam Regni Adelæ Reginæ matri,  
& propinquo suo Guilielmo Archiepi-  
scopo Remensi, Sacræ Sedis Legato, in-  
junxit, edita Constitutione, qua in regi-  
mine Franciæ se absente uterentur; in  
ea inter alia capita istud legitur: *Si Epi-  
scopatus aut Abbatia ad jus Regale perti-  
nens vacaverit, volumus, ut Canonici  
vel Monachi Reginam & Archiepiscopum  
adeant, sicut ad nos venire tenerentur,  
& petant Electionem liberam, quæ ip[s]is  
non gravate concedatur. Porro Regina  
& Archiepiscopus bona, juribus Regali-  
bus subjecta, in sua potestate teneant, us-  
que dum electus vel consecratus vel bene-  
dictus fuerit, tumque ei reddantur. Si  
aliqua Præbenda aliudve Beneficium va-  
caverit, illo tempore, quo jus Regale nobis  
competit, Regina & Archiepiscopus ea  
viris piis & literatis, requisito Fratris  
Bernardi consilio, conferant. Id de Ere-  
micola in Silva Vincennarum degente  
acciendum puto, estque primum hie  
vesti-*

vestigium, quod occurrit, Beneficia ex Sæcul. XII.  
Jure Regali fuisse collata. Postea com- A. C. 1190.  
memoratur in hoc Edicto, ex bonis Ec-  
clesiarum, pro casu emergente, pecuniæ  
subsidia fuisse Regi concessa.

Sæcul. XII.

InFesto S. Joannis Rex Philippus multis comitantibus ad Monasterium S. Dionysii venit, Vexillum, quod vulgo Auri-flamma dicebatur, more Majorum suorum ad bellum procedentium, accepturus. Vetus enim opinio erat omnium animis indita, solum hujus signi conspectum hostium agmina saepe in fugam vertisse. Rex in pavimento ante SS. Martyrum corpora prostratus iter suum Deo, S. Virgini & omnibus Sanctis commendavit. Tum peractis inter calentes lacrymas precibus surgens peram & baculum, quem ipsi Archiepiscopus Remensis tradidit, recepit. Cum deinde duo vexilla super corpora SS. Martyrum posita sumisset, monachorum orationes expetiisset, & Benedictionem, quam Sacerdos, clavo, corona spinea, & brachio S. Simeonis elatis impertiebatur, accepisset, die Mercurii, post octavam S. Joannis, die decima quarta Julii, anno millesimo centesimo nonagesimo cum Richardo Rege Angliae Veselium se contulit. Illa tempestate San- Dionysiani coronam spineam Domini nostri, quæ a Carolo Calvo monachis dono data dicebatur, ut in

R 2 hujus

Sæcul. XII. hujus Principis epitaphio legitur, se  
A.C. 1190. possidere credebant.

*Rog. p. 668.* Reges, cum Lugdunum pervenissent, in diversa sparsi, Philippus Genuæ, & Richardus Massiliæ naves consendunt, ac deinde Messanæ iterum junguntur. Richardus Rex Italiæ oras prætervectus ad ostia Tiberis venerat, ubi Octaviano Cardinali Episcopo Ostiensi, obvium se inferenti, Romanorum Simoniam acriter exprobavit, conquestus, quod accepissent argenti marcas septingentas pro Ordinatione Episcopi Cenomanensis, mille quingentas pro Legatione Episcopi Eliensis, & magnam pecuniæ copiam, ut efficerent, ne Elias Malemortius Episcopus Burdegalensis a Clericis suis accusatus deponeretur. Octava Septembris Rex Richardus Salernum appulsus, diu ibi moras traxit, expectans, usque dum classis Messanæ portum attingeret; quo tandem Rex Philippus die Dominica, decima sexta Septembris, & Richardus vigesima tertia inventi, hyemem peregerunt. Richardus vero cum Rege Siciliæ, nuper rerum potito, fœdera iniit.

p. 673.

### §. XXVI.

*Guilielmi obitus. Tancredus Rex Siciliæ.*

**G**uilielmus Bonus mense Novembri,  
anno